



Projet promovût di 'La Vòs dai Furlans' e 'ARLeF'

MAMAN

la VÒS dai FURLANS

Lu saveviso che...?



...si puedin viodi lis mumiiis ancje in Friül? Vençon, un dai borcs plui bie di Italie e crosera impuartante ai tims dai Romans, al è innomenât no dome pe sô Fieste de coce, che si celebre ogni an tal mê di Otubar, ma ancje parcè che te Capelute di Sant Michêl, dongje dal Domo, si puedin viodi 5 cuarps mumificâts di tancj secu indaûr. La mumie plui vecje e je clamade "il Gobo" e e je stade discuierte tal secul XVII. Joi, ce grisui fruts!

Il carton de setemane



I archeolics Tui e Tuie a van tal desert, fin te piramide antighe dal Re Gjat. Alì a àn di tornâ a fâ sù la sô statue...

Cjalin insieme la pontade di Tui e Tuie "Avonde ben" su



Piture il dissen



Cumò fâs tu!

Cetantis cocis in cheste imagjin! Cjale ben e cerce chês contentis e fâs une crôs parsore di chês avilidis.



Ridi a plene panze!

Dulà sielzino di là in feris i scheletris? Tal Mâr Muart!

Pagine curade dal Sportel Regionâl pe Lenghe Furlane de



Vuelistu tornâ a viodi lis pontadis di Maman!? **Cirilîs su**



ANCJE 'ON DEMAND' SU telefriuli

Cjale lis gnovis pontadis su **telefriuli**

Vinars aes 18.30 e in repliche domenie aes 7.00 e aes 13.00

STELIS E LUSIGNIS Noa



Roc. Tu âs tacât l'an plen di fuarce e voie di rivâ, lis stelis a son de tô bande, ce vuelistu miôr di cussi?



Taur. Tu âs di frontâ un biel dubi: restâ leât ae vite di ogni di o fâ un biel viaç? In duç i doi i câs, tu risolvârâs cuntun truc.



Zimui. Tu vuelis gjolditi une vite comude e plene, e par vèle tu fasis tancj sfuarçs, atent però a no lassâ indaûr la famee.



Gjambar. La Lune e à voie di fâti cualchi dispjet e cussi, biel che tu ti gjoldis un moment di pàs, jê ti fâs un çopedon



Leon. Sta plui dongje a fradis e amis parcè che a podressin dâti il consei just.



Vergjine. Par frontâ ben il doman tu âs di dismenteâ fats e personis leâts al to passât.



Belance. Tal lavôr tu rivis a meti in pratiche lis tôs cognossincis e i coleghis ti disin graciis.



Sgarpion. La energjie di chei dis achi ti puarte a fâ une vore di sport, ma une compagne no tu le âs intai rapuarts cun chei altris.



Sagjitari. Tu sês plui viert cu la int e chest ti permet di cognossi personis gnovis, cualchidune e pues diventâ amie.



Bec di mont. Alc di chei che ti son intor no ti convinç, tu fasis ben a fâ cualchi pas indaûr e a no cjapâ nissun impegn.



Agarûl. Intes discussions in famee tu âs di vè un grum di pazience e no tu âs di rabiâti. Cussi dut si sclaris miôr.



Pes. Ti è vignude tal cjâf une persone che no tu viodis di un pieç, tu fasis ben a clamâle.